

Privredno društvo za proizvodnju i transport gasa

"BH-Gas" d.o.o.Sarajevo

Broj: 01-AM-042-2265/18

Sarajevo, 26-06-2018

Na osnovu člana 51. Statuta BH-Gas d.o.o. Sarajevo i člana 62. Pravilnika o nabavci roba, vršenju usluga i ustupanju radova „BH-Gas“ d.o.o. Sarajevo, te shodno Evaluacionom izvještaju Komisije br. 03-AM-1505-2223 od 21.06.2018.godine, donosi se,

ODLUKA o izboru najpovoljnijeg ponuđača

1. U postupku javnog nadmetanja sprovedenog putem otvorenog postupka objavljenom na Portalu javnih nabavki BiH br. 876-1-2-94-3-10/18 dana 15.05.2018.godine, za izbor najpovoljnijeg ponuđača za:
 - Pregled sredstava za rad i pregled objekata (instalacije, oprema i sredstava za rad) ;
 - Pregled /mjerenje statičkog elektriciteta na stanicama gasovoda -2 puta godišnje;
 - Pregled i opravka rasvjete i uređaja u PEX izvedbi-2 puta godišnje;
 - Pregled i provjera ispravnosti panik rasvjete u objektima-2 puta godišnje;
 - Pregled kompletnog objekta u Stariću(Kladanj) i Reljevu-jednom godišnje;
 - Pregled i ispitivanje sistema za detekciju curenja gasa i sistema za vatrodojavu na objektima u Semizovcu, Reljevu i Kladnju-dva puta godišnje;
 - Pregled, kontrola i mjerenje gromobranske instalacije i uzemljenja na svim objektima/stanicama gasovoda 2 puta godišnje;
 - Pregled aparata za početno gašenje požara-2 puta godišnje;
 - Pregled i ispitivanje elektro trafoa 10/0,4 kV na lokaciji Starić (MS Kladanj)
 - Pregled polarizacionih ćelija i opravka, zamjena dotrajalih- jednom godišnje;.

Izabrana je ponuda ponuđača **INPROZ –Institut za zaštitu i projektovanje d.o.o. Tuzla.**

2. Sa izabranim ponuđačem iz tačke 1. ove odluke, saglasno ponudi, zaključiće se odgovarajući ugovor.
3. Ova odluka stupa na snagu danom donošenja.

OBRAZLOŽENJE:

Ugovorni organ je po objavljenom obavještenju na Portalu javnih nabavki BiH, a do krajnjeg roka za dostavljanje ponuda primio tri ponude i to:

1. Ponuđač: Agencija za zaštitu ljudi i imovine INZA d.o.o. Sarajevo, dostavila je ponudu u vrijednosti od 116.990,00 KM bez PDV-a, odnosno u iznosu od 136.878,30 KM sa PDV-om. Ponuđač nije ponudio popust.
2. Ponuđač: INPROZ-Institut d.o.o. Tuzla, dostavio je ponudu u vrijednosti od 119.056,00 KM bez PDV-a, odnosno u iznosu od 139.295,52 KM sa PDV-om. Ponuđač nije ponudio popust.
3. Ponuđač: PROVING d.o.o. Sarajevo, dostavio je ponudu u vrijednosti od 119.180,00 KM bez PDV-a, odnosno u iznosu od 139.440,60 KM sa PDV-om. Ponuđač nije ponudio popust.

Nakon detaljnog uvida u prispjele ponude ponuđača Komisija je konstatovala sljedeće:

- **Odbacuje se ponuda ponuđača Agencija za zaštitu ljudi i imovine INZA d.o.o. Sarajevo, kao nepotpuna iz sljedećih razloga:**

1. Ponuđač nije dostavio dokaz prema tački 11.2.4. pod 1. i 2. Tenderske dokumentacije i to:
 - Dokaze da u okviru registrovane djelatnosti ponuđač može obavljati poslove pregleda, ispitivanja, mjerenja, kontrole rada na elektroenergetskim postrojenjima, el. uređajima i instalacijama i izdavanje isprava koji su predmet nabavke, zatim montaže,

izvođenja, pregleda i ispitivanja instalacija u kojima su angažovani protiveksplozijski zaštićeni uređaji.

- Dokaze o ispunjavanju uslova za obavljanje stručnih poslova zaštite od požara (pregled građevina, kontrole ispravnosti i funkcionalnosti ugrađenog sistema aktivne zaštite od požara, sistema za otkrivanje i dojavu zapaljivih gasova i para, uređaja za sprečavanje nastajanja eksplozija, hidrantske instalacije, za gašenja požara ugljen-dioksidom i drugim sredstvima).

Naime, ponuđač **Agencija za zaštitu ljudi i imovine INZA d.o.o. Sarajevo** dostavio je dokaze odnosno Rješenja za navedene zahtjeve iz tačke 11.2.4. pod 1. i 2. Tenderske dokumentacije, na ime privrednog društva za pružanje tehničkih usluga u području zaštite i drugih usluga **INZA lab d.o.o. Sarajevo**.

Prema tački 12.1. Tenderske dokumentacije u slučaju pojavljivanja grupe ponuđača, uslove koji su navedeni pod tačkama 11.1. i 11.2. moraju ispunjavati svaki član grupe ponuđača, što nije slučaj u ovoj ponudi, jer ponuđač **Agencija za zaštitu ljudi i imovine INZA d.o.o. Sarajevo** nije nastupio kao Grupa ponuđača niti je ispunio uslov iz tenderske dokumentacije prema gore navedenim tačkama.

2. Ponuđač **Agencija za zaštitu ljudi i imovine INZA d.o.o. Sarajevo**, nije dostavio dokaz prema tački 11.3.1. Tenderske dokumentacije, odnosno nije dostavio potvrde kojim dokazuje da vrijednost jednog ili više ugovora zbirno nije manja od 120.000,00 KM. Ponuđač je u dokazivanju ovog zahtjeva priložio potvrdu od **Cengiz Insaat d.o.o. Sarajevo** koji potvrđuje realizaciju posla i to u periodu od 01.06.2014.-31.12.2014. godine, koje je izvršilo preduzeće **INZA lab d.o.o. Sarajevo** a ne ponuđač **Agencija za zaštitu ljudi i imovine INZA d.o.o. Sarajevo**. Prema ostalim priloženim potvdama koje je obavila **Agencija za zaštitu ljudi i imovine INZA d.o.o. Sarajevo**, zbirna vrijednost izvršenih ugovora iznosi 83.302,24 KM, čime nije ispunjen uslov iz tačke 11.3.1. Tenderske dokumentacije.
3. Na osnovu dostavljenog aktuelnog sudskog registra se ne može potvrditi tok preregistracija i dokazati da je nekad ovaj ponuđač nosio naziv: Institut zaštite od požara i eksplozije Sarajevo. Iz tog razloga je njegovo priloženo Rješenje iz 1991. godine u ponudi ,izdato na ime: **Institut zaštite od požara i eksplozije Sarajevo** neprihvatljivo, za dokazivanje ispunjenosti uslova za obavljanje poslova iz tačke 11.2.4. pod 4. tenderske dokumentacije. Nije dokazana nasljednost između pravnih lica.

U skladu sa gore navedenim i članom 68. stav 1) Zakona o javnim nabavkama odbacuje se ponuda ponuđača **Agencija za zaštitu ljudi i imovine INZA d.o.o. Sarajevo** kao nepotpuna i nije bila predmet detaljne evaluacije.

- **Odbacuje se ponuda ponuđača **PROVING d.o.o. Sarajevo**, kao nepotpuna iz sljedećih razloga:**

Shodno Prilogu br.1. Tenderske dokumentacije, Tehničke karakteristike, ponuđač nije dostavio sljedeće:

- jednopolnu shemu spajanja polarizacione ćelije;
- tehničke karakteristike polarizacione ćelije;
- garanciju za skladištenje do 12 mjeseci i garanciju za rad na 24 mjeseca izuzev više sile (uda munje, neispravna montaža, oštećenje izazvano trećim licem ili slično);
- Izjavu o servisnoj mreži u BiH i naziv firme i imena ovlaštenih servisera.

U skladu sa gore navedenim i tačkom 13.1. Tenderske dokumentacije odbacuje se ponuda ponuđača **PROVING d.o.o. Sarajevo** kao nepotpuna i nije bila predmet detaljne evaluacije.

Na osnovu dalje analize jedne prihvatljive ponude i prema prethodno utvrđenom kriteriju, konstatovano je da je ponuđač INPROZ-Institut d.o.o. Tuzla dostavio prihvatljivu i povoljnu ponudu sa ukupnom vrijednosti od 119.056,00 KM bez PDV-a, odnosno u iznosu od 139.295,52 KM sa PDV-om za period od dvije godine, a koja je u potpunosti zadovoljila i postavljene zahtjeve iz Tenderske dokumentacije.

Shodno gore navedenom odlučeno je kao u dispozitivu Odluke.

PRAVNA POUKA:

Protiv ove odluke može se uložiti žalba u roku od 10 (deset) dana od dana prijema iste sukladno članu 101. stav (1) pod d. Zakona o javnim nabavkama BiH. Žalba se podnosi neposredno na adresu ugovornog organa: BH-Gas d.o.o. Sarajevo, Obala Kulina bana 8/III., 71000 Sarajevo, u najmanje 3(tri) primjerka.

UPRAVA BH-GAS D.O.O.

v.d. IZVRŠNI DIREKTOR


Rijad Mutapčić



DIREKTOR


Jasmin Salkić

DOSTAVITI:

- Ponuđačima
 - Sektoru ekonomsko-finansijskih poslova
 - a.a.
- 